


**Deloitte.**



308

01-133



## MARRËVESHJE BASHKËPUNIMI

### NDËRMJET

### UNIVERSITETIT TE PRIZRENIT 'UKSHIN HOTI'

### DHE

### DELOITTE KOSOVA SH.P.K.

Sot me date 16 Prill 2021 lidhet kjo Marrëveshje Bashkëpunimi, (ne vijim referuar si 'Marrëveshja') ndërmjet palëve te mëposhtme:

- I. **Universiteti i Prizrenit "Ukshin Hoti" Fakulteti Ekonomik** – me adresë në Rruga e Shkronjave nr. 1., 20000 Prizren, Republika e Kosovës, përfaqësuar nga Prof. Asoc. Dr. Halil Kukaj, Dekan (në tekstin në vijim: "UPZ") dhe
- II. **"Deloitte Kosova Shpk"**, shoqëri me përgjegjësi te kufizuara, e themeluar sipas ligjit për Shoqëritë Tregtare ne Republikën e Kosovës, me numër unik identifikues 810468373 dhe me seli ne adresën Rr. "Lidhja e Pejës", nr. 177, Prishtine; e përfaqësuar nga Znj. Afrore Rudi / Drejtor Menaxhues (tash e tutje referuar si "Deloitte Kosova");

Gjithashtu, këtu e ne vazhdim se bashku referuar si 'Palët' dhe ne mënyrë individuale si "Pala". Palët bien dakord qe te respektojnë dispozitat e kësaj marrëveshje te shprehura si me poshtë:

#### Neni 1

#### OBJEKTI I MARREVESHJES

1.1. Kjo Marrëveshje Bashkëpunimi konsiston ne vendosjen e bashkëpunimit dhe angazhimit ndërmjet palëve për të ndërtuar një bashkëpunim me qëllim të dhënies se kontributit në fuqizimin dhe zhvillimin profesional të studenteve dhe te sapo diplomuarve.

1.2. Bazuar në parimin e interesit të ndërsjellë, palët, duke respektuar pavarësinë e njëra tjetrës, pajtohen të promovojnë:

- i. Shkëmbimin e përvojave dhe krijimin e hapësirave që studentët e UPZ-së të realizojnë mundësinë e punës praktike (internship) sipas planit të paraparë nga Deloitte Kosova;
- ii. Përzgjedhja e studentëve/sapo diplomuarve për programin e praktikës dhe numrit të tyre do te behet sipas kriterëve dhe politikave te Deloitte Kosova.

**Neni 2**  
**FUSHAT E ZBATIMIT**

2.1. Bashkëpunimi ndërmjet dy Palëve do të jete ne këto fusha të zbatimit:

- a) Zhvillimin e praktikave të punës dhe internship nga ana e studenteve të UPZ në Deloitte Kosova;
  - b) Zhvillimin e leksioneve të hapura me tematika të ndryshme nga ana e Deloitte Kosova;
  - c) Zhvillimin e seminareve dhe/ ose konferencave të përbashkëta;
  - d) Bashkëpunim në realizimin e projekteve të përbashkëta në fushën e këshillimit të karrierës për studentët e UPZ si për shembull, por pa u kufizuar në:
    - i. Pjesëmarrjen në panairt e punës të organizuar nga Universiteti/UPZ për studentet e sapo diplomuar;
    - ii. Prezantimin e Deloitte Kosova si shoqëri e cila ofron shërbime profesionale në fushën e këshillimit dhe auditimit, shërbimeve mbi çështjet tatimore dhe ligjore, këshillimeve financiare, etj., dhe si punëdhënës i mundshëm për studentet;
    - iii. Shkëmbimin e ndërsjellët të informacionit dhe publikimin e mundësive të punësimit të ofruara rast pas rasti për studentet nga Deloitte Kosova në rrjete sociale apo ambientet e Universitetit;
  - e) Krijimin dhe lehtësimin e logjistikes (ambiente, teknologji, etj.) në mënyrë të ndërsjellët për organizimin e aktiviteteve sipas këtyre fushave të zbatimit si p.sh. të seminareve, trajnimeve, testeve të studenteve kandidatë për punësim pranë Deloitte Kosova, panairt pune etj.;
  - ë) Bashkëpunime në projekte kombëtare dhe ndërkombëtare në fusha që janë objekt veprimtarie të Palëve dhe bashkëpunëtorëve të tyre të ngushtë;
  - f) Informim reciprok mbi shkëmbimin e informacionit, i cili ka lidhje me veprimtarinë e përbashkët të këtyre dy institucioneve si dhe promovimi i dyanshëm i aktiviteteve të përbashkëta;
- 2.2. Gjithashtu, palët do të jene të lira të bashkëpunojnë dhe me subjekte të tjerë juridike fitimprurës ose jofitimprurës, pjesë e grupeve përkatëse
- 2.3. Palët e mësipërme bien dakord të bashkëpunojnë në fushat e interesit të përbashkët dhe në përputhje me parashikimet e kësaj Marrëveshje Bashkëpunimi.

**Neni 3**

**TË DREJTAT DHE DETYRIMET/E PËRGJITHSHME**

3.1. Çdo aktivitet të ndërmarrë nga palët me qëllim të realizimit të kësaj marrëveshje duhet paraprakisht të merret miratimi nga zyrtarë të caktuar nga secila palë.

3.2. Palët do të nxisin njëra tjetrën për një bashkëpunim sa më të gjerë dhe intensive duke eksploruar fusha te reja bashkëpunimi dhe duke forcuar ato aktuale.

3.3. Palët do të angazhohen në mënyre të ndërsjellët për promovimin e emrit të mirë, aktivitetit, shërbimeve dhe produkteve të realizuar nga Pala tjetër sa herë që u jepet mundësia gjatë veprimtarive të tyre publike dhe private.

3.4. Secila nga Palët do të ruaje konfidencialitetin dhe sekretet tregtare dhe/ose të praktikës së aktivitetit të njëra-tjetrës, për të cilat do të marrin dijeni si rrjedhojë e bashkëpunimit të ndërsjellët.

3.5. Palët marrin përsipër që të vendosin në dispozicion të njëra-tjetrës burimet njerëzore dhe materiale të nevojshme për arritjen e qëllimeve që parashikon kjo Marrëveshje.

3.6. Nëse e gjejnë të nevojshme, Palët nëpërmjet një aneksi dhe/ose marrëveshjeje të posaçme, do të përcaktojnë detajet e nevojshme në lidhje me fushat e veçanta të zbatimit të kësaj Marrëveshjeje.

#### Neni 4

### TË DREJTAT DHE DETYRIMET E VEÇANTA

4.1 Përveç sa parashikohet nga dispozitat e tjera të kësaj Marrëveshjeje, Palët do të kenë të drejtat dhe detyrimet e veçanta të mëposhtme.

a) Deloitte Kosova, në varësi të kapaciteteve dhe nevojave të saj si dhe duke aplikuar të gjitha procedurat standard të testimit të aplikueshme, do të mundësojë zhvillimin e praktikave profesionale për studentet e Universitetit me rezultatet më të larta, nëpërmjet ofrimit të angazhimit të studenteve në projekt që kanë lidhje me programet e studimit që ofrohen nga Universiteti, si dhe duke mbështetur implementimin në praktike, të dijeve dhe aftësimin profesional të studenteve

b) Deloitte Kosova do të mundësojë dhënien e informacionit (jo konfidencial) për studentet dhe stafin akademik, që do të përdoret për ndërtimin e rasteve studimore, temat e diplomave, projekte të kursit, prezantime, botime dhe publikime të ndryshme, qëllime kërkimore, studimore dhe shkencore, etj.

c) Universiteti mund të ftojë si lektor (te ftuar, drejtues apo ekspert të Deloitte) në orët e leksioneve, seminareve, debateve që përfshihen në kurikulën mësimore dhe aktivitetet me tematike të njëjtë për të dyja palët.

d) Universiteti, do të ftojë përfaqësues të Deloitte Kosova në aktivitete të tij publike, si konferenca, simpoziume, debate akademike dhe profesionale, të cilat janë me interes të përbashkët, ku ato mund të prezantojnë tema dhe çështje të ndryshme.

## Neni 5

### AFATI I MARRËVESHJES

- 5.1. Kjo marrëveshja lidhet për një afat kohorë të pacaktuar.
- 5.2. Afati i marrëveshjes fillon nga data e nënshkrimit të saj nga përfaqësuesit e të dyja Palëve.

## Neni 6

### KOMUNIKIMI

- 6.1. Palët do të caktojnë nga një person kontakti që do të jetë përgjegjës për të bashkërenduar aktivitetet e marrëveshjes, me qëllim që komunikimi dhe shkëmbimi i informacioneve të jete i shpejtë, korrekt dhe i efektshëm.
- 6.2. Për universitetin person kontakti do të jetë Z. Bekim Berisha Shef i Departamentit, dhe për Deloitte Kosova do të jete Znj. Fahrije Osmani, Menaxhere e Departamentit të Burimeve Njerëzore.

## Neni 7

### PËRFUNDIMI I MARRËVESHJES

- 7.1 Palët kanë të drejte që me marrëveshje me shkrim midis tyre, të zgjidhin marrëveshjen.
- 7.2. Në rast të mosmarrëveshjeve në mes të palëve, palët janë të obliguara që të formojnë një komision për tejkalimin e pengesave dhe shqetësimeve të paraqitura.
- 7.3. Në rast se njëra nga Palët kërkon të ndërpresë në mënyrë të njëanshme marrëveshjen, ajo duhet të njoftojë me shkrim brenda 3 (tre) muajve palën tjetër në mënyrë që të mundësohet përfundimi i aktiviteteve në proces.

## Neni 8

### DISPOZITAT E FUNDIT

- 8.1 Marrëveshja përgatitet dhe nënshkruhet në 2 (dy) kopje identike.
- 8.2 Palët angazhohen se janë të gatshme të bashkëpunojnë për realizimin dhe zbatimin e kësaj Marrëveshje.